



UNIVERSITÄTS-
BIBLIOTHEK
PADERBORN

Epitome Instituti Societatis Jesu

Sesti, Curtius

Bruxellis, 1690

Cap. II. De Mißionibus.

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)

CAPUT II.

De Missionibus.



Xpositis hactenus Ministeriis maximè affines sunt Missiones, ac proinde hic tractandæ; licet extra nostras Domos necessario peragantur. Scholæ publicæ, domesticum quidem munus, sed materia discrepans, postmodum exponentur.

† Missiones Societatis præcipuissimæ.

¶ Ex. c. 4. §. 27. & 35. & p. 3 c. 2. G. & P. 4. Proœm. A. & P. 7. c. 1. §. 1. & A. & c. 2. H. & Paul. III. in Form. p. 11. & Jul. III. in eadem p. 63. & Paul. III. in Bull. p. 38. & C. 5. D. 46. & R. Miss. 1. & In. 12. §. 2.

* Sed præcipuè Professorum.

SECTIO I.

Missionum dignitas, & per quos instituende.

† 1. **E**T quidem inter præcipua Societatis munia Missiones censentur: ut nostræ Vocationis proprium dicatur, diversa loca peragrarè, & vitam agere in quaribus Mundi plaga, ubi majus animarum auxilium speratur. ^a

* 2. Et propterea Societas Professæ aliquas obligationes suscipere recusat, de quibus infra Cap. 3. Nec Professi stabilem in Domibus habitationem habent; ut expeditiores sint ad Missiones, quæ præcipuè

pria ipsorum sunt, & obnixè propterea P. Generali commendatæ. *b* Quatenus autem Professi vi voti, quo se obstrinxerunt Summo Pontifici, ad Missiones te- neantur; & quomodo iidem in Pontificiis Missionibus se gerere debeant, explicatum est supra Par. 3. Cap. 3. Sect. 3.

3. Quare hic agendum est de Missio- nibus, ad quas mittuntur nostri Sacerdo- tes à Superioribus Societatis: dicendorum tamen pleraque pertinere etiam ad Ponti- ficios Missionarios minimè dubitandum est. Primò igitur exponendum quid servare debeat qui mittit; 2. quid præstandum à Misso circa seipsum. 3. quid circa alios.

4. Præpositus Generalis quocumque locorum mittere potest omnes suos Sub- ditos, sive Professionem emiserint, sive non emiserint; cum expedire ad animarum auxilium judicaverit. Quam mittendi fa- cultatem potest Generalis Inferioribus communicare. *c*

5. Vicarius autem Generalis habet li- mitatam facultatem mittendi Professos quatuor Votorum. Nam ad Infideles, & remotas partes, non poterit mittere sine decisivo suffragio Assistentium, & eò tan- tum; unde impediri non possint, quo mi- nus

b P. 4. C. 2. §. 4. & B. ... & P. 6. c. 3. §. 5. & C. 5. D. 46.

Ordo dicendo- rum.

Generalis au- thoritas ad Missiones.

c Paul III. p. 38. & P. 7. c. 2. §. 1. & B. & P. 9. c. 3. §. 9. & F.

Vicarii.

d Off. Vic. §. 11. *d*
Provincialium. nus Congregationibus, ad quas jus habent
 interfunt. *d*

6. Provinciales ordinariè mittunt ad
 Missiones ex Subditis, quos volunt, intra
 Provinciam suam: immò jubentur in illis
 Confessarios identidem adhibere; ne per
 petuò cum nonnullis Devotulis occupen-
 tur. At extra Provinciam nequeunt mit-
 tere præsertim eos, qui jus habent ad Con-
 gregationem Provinciale, quando ea
 imminet. Si tamen aliud posceret urgens
 causa, cum suis Consultoribus ad plura
 suffragia statuet, an mittendi sint. *f*

f R. Prov. 106.
 & 109. & 112.
 113. & In. 3. §.
 10.

*Superiorum
 localium.*

g In. 4. §. 3. &
 In. 10. §. 10. &
 In. 15. c. 2.
 §. 8. & In. 3.
 §. 10. & In.
 Temp. tit. 1.
 §. 15. & Cl. c.
 11. tit. 2. §. 4.

*Eorum qui mit-
 tuntur.*

h P. 7. c. 1. §.
 1. & 7. & c.
 3. §. 1.

7. Superiores locales non videntur ha-
 bere facultatem suos mittendi ad laboran-
 dum in Missionibus extra Urbem, in qua
 resident, nisi ad loca vicina, tridui spatio;
 & hæc Missiones commendantur ad discuti-
 endum otium Operariorum, & ædifica-
 tionem præbendam Proximis. *g*

8. Non repugnat etiam Constitutioni-
 bus, ut mittendi ipsimet sibi eligant ubi,
 & in quare occupentur: si aliquorum ju-
 dicio relictum fuerit, ut discurrant, qua-
 cumque majus Dei obsequium, & ani-
 marum profectum assequi se posse arbi-
 trantur. *h*

SECTIO II.

Qui, & ad quos mittendi.

I. Ceterum Præpositus Generalis, & Deus præ oculis
 quicumque ab eo hanc mittendi in decernenda
 facultatem habuerit, diligenter in hujus Missione.
 modi Missionibus curet; ut, quod ad majus
 Dei obsequium, & universale bonum fa-
 cit, statuatur. Et si rei difficultas id poscit,
 præmissis suis, & suorum orationibus, &
 sacrificiis, & consultatione cum aliquo, i P. 7. c. 2. §.
 vel pluribus ex Societate: quod maximè 1. & C. D. &
 servandum est, si ob urgentiorem necessi- P. 9. c. 3. §. 9.
 tatem Missio inter Infideles instituenda & F. & R.
 est. i Prov. 109.

2. Ad eligendos autem populos, præ Ad quos potissi-
 oculis habenda sunt aliqua; & ceteris pari- mum Missio in-
 bus anteferendi, qui aut magis indigent, aut stituenda.
 spondent majorem fructum spirituales,
 aut melius de nobis sunt meriti, aut quo-
 rum pietas latius promanare potest; ut sunt
 Urbes primariæ; & in eis Principes, viri
 docti &c. aut ubi, propter malevolorum
 sermones, alienati à Societate aliqui, ei vi-
 derentur reconciliandi. l P. 7. c. 2. §.
 1. & D.

3. In determinandis verò personis, quas Qui ad quasq;
 mittere oporteat, attendenda hæc sunt. I. Missiones opti-
 Ad mi.

Ad res graviores, & in quibus plus refert non errare, aptissimi, & quibus maxime fiditur, feligendi. 2. Ubi magni subeundi labores corporis, robustissimi. 3. Ubi pericula spiritualia, in virtute probatissimi. 4. Ad agendum cum prudentibus, & primariis Viris, conveniunt, qui conversandi cum hominibus gratiam habent, cum exteriori specie (modò, quæ interiora sunt, non desint) quæ ad auctoritatem conferat.

m P. 7. c. 2. F.
& R. Prov.
109.

*Quomodo in-
vicem associan-
di.*

n P. 7. c. 2. F.

*Cui parere de-
beant, & quo-
modo dirigendi.*

5. Ingeniosis, & literatis ii magis quadrant, qui in ingenio itidem, ut plurimum, aptiores erunt, qui talento Prædicationis, & audiendarum Confessionum pollent. m

4. Quod ad numerum attinet, & combinationem hujusmodi Operariorum, sua etiam consideratio adhibenda. 1. Conveniret non mitti unum, sed saltem duos. 2. Plures etiam mitti possent, cum suppetere copia hominum; & numero messis responderet. 3. Concionator adjungendus Confessarius, inexpertus exercitato, circumspectus animoso; ita ut diversitas utrumque juvet, non discordiam generet. n

5. Qui primo loco in Patentibus nominabitur, Superior erit Missionis; alter Admonitor: & si Provinciali videbitur, omnes subjiciantur Superiori vicinioris do-

domus, o cui Superiori etiam jure Societatis communi subduntur. p Quod ad modum mittendi spectat, Provincialis det operam; ut pedestri itinere proficiscantur, habita ratione solius necessitatis in equitando. Præter patentes literas, videat an aliâ epistolâ dirigendi sint ad loci Præsides. q Instructionem etiam ordinariè mittendis dabit rerum gerendarum, plerùmque in scriptis. r

SECTIO III.

Quid præstare Mittendi debeant.

EX parte verò eorum, qui mittuntur, non pauca servanda sunt; seu considerentur quæ ad ipsorum animos, & cultum corporis spectant; seu quæ ad Proximorum utilitatem referuntur.

I. Ipsi, nulla ratione, se ingerent ad eundem, vel manendum, in hoc loco potiùs, quàm in illo; sed plenam, ac omninò liberam sui dispositionem Superiori relinquent; postquam ei suæ conscientiae plenam rationem reddiderint, ut meliùs in Missionibus dirigi possint. s Hinc plañum fit prohiberi; ne quis magne auctoritatis intercessionem adhibeat, ad aliquem de

o In. 12. §. 15.
& R. Prov.
109.
p C. 11. D. 32.
& P. 7. c. 3. A.
q P. 7. c. 2. §.
1. G. L. M. &
C. 3. D. 37. &
R. Prov. 115.
& R. Miss. 4. 5.
& In 12. §. 15.
r P. 7. c. 2. §.
2. & L. & N.
& c. 1. §. 5. &
F. & G.

*Indifferentia
Mittendorum.*

s P. 7. c. 2. §. 1.
& c. 3. §. 1. &
Ex. c. 4. §. 35.
& R. Miss. 2. 3.

de Societate petendum, nisi id Superiori probari intellexerit. Non tamen his repugnat proponere, debita cum indifferentia, motus animi, qui in contrarium occurrunt.

Servandi mores, & disciplina religiosa.

x R. Miss. 1. & 25. 26. & In. 12. §. 2.

Paupertas, & ædificationis præsidia.

y R. Miss. 6. Or. c. 1. §. 18. & In. 13. §. 3. & 8. & C. 6. D. 39.

2. Dum mittuntur, rem maximi ponderis in Societate sibi esse commissam intelligant: & ita se comparent, ut apta Dei instrumenta esse possint. Quantumlibet occupati ne obliviscantur propriæ perfectionis: servent cum Deo, & inter se unionem; & Orationem matutinam, & Examen vespertinum, quoad ejus fieri poterit, nunquam intermittant: serventque Regulas Societatis. Apud alios verò se integritatis, & gravitatis exemplum præbeant.

3. Paupertatem sectentur non modò itinere, ut supra dictum est, sed & in Hospitio; quod Xenodochium esse oporteret, si mundum aliquod reperiretur; aut honesta domus; in qua scæminas non audiant. Invitationes ad mensam declinandæ. Victus potius, quàm pecunia pro eo comparando, accipiendus; iisque sufficiens quidem, sed qui sit ædificationi: acceptæ autem pecuniæ rationem Superiori reddent; &, si quid ejusdem superfuerit, pariter illi tradent. y Quamquam in Missionibus præcipuè cavendum est, ne à Poenitentibus,

bus, Amicis, ac Devotis pecunia ulla accipiatur ad proprium usum, cum nec ad id facultatem Superiores dare possint. z

4. Cum ingressi fuerint loca, in quibus Ordinarii resident, eos quamprimum adeant; & oblatam submissè operam suam, facultatem modestè petant ministeria Societatis exercendi: tum omnes, quorum auctoritate opus habent, benevolos sibi facere studeant, Parochos præsertim, ac Religiosos, & si quos adversarios esse Societati intellexerint. a

5. Tum strenuè admovenda manus operi: eaque ferè omnia in Missionibus media adhiberi poterunt; quæ congruunt Societatis Instituto; & superius enumerata sunt: nempe ministerium Verbi Dei, Sacramentorum Poenitentiae, & Eucharistiae administratio, Exercitiorum spiritualium traditio, Ecclesiasticorum instructio, Catechesis ad Pueros, & alios rudes, Pauperum in Xenodochiis, & Carcere publico visitatio. b

6. At in hisce Ministeriis eligendis infra scripta servantur. Cum Societas spiritualia, & corporalia obsequia Proximis præstare possit; ubi utrisque par non est, priora præferantur. Eadem est ratio de magis urgentibus, magis propriis nostri Instituti,

z Ex c. 1. §. 3.
& P. 6. c. 11. §.
7. & C. 5. D.
29. & C. 6. D.
21. & C. 12. D.
39 & Or. c.
4 §. 9.

*Reverentia
erga Prælatos.*
a P. 10. §. 11.
& B. & R. Miss.
7. & 17. & In.
12. §. 3. & 5.
& 12.

*Quæ Ministeria
exercenda.*

b P. 7. c. 3. §.
2. & A. & R.
Miss. 10. 11. 12.
& In. 12.

*Quæ antefere-
renda.*

stituti, destitutis aliorum ope, obnoxiiis discrimini, secum fructum laturis, ad plurius bonum spectantibus, diutius permanfuris, si cetera sint paria, adjiciendus potius est animus, quam oppositis, seu Ministeriis, seu operibus: ac demum, quæ aliis præferenda, communicato consilio cum Superiori propinquiore, statuendum est. *e* Ordo verò servandus in hisce Ministeriis, etsi certus præscribi non potest, jure tamen ab humilioribus inchoare. *d* Extat in Regulis Missionum Methodus ordinandæ Missionis; ad quam possunt adjicere Provinciales, quæ pro locorum, ac Missionum varietate opportuna videbuntur. *e*

7. Indicantur præterea nonnulla, quæ præstanda, quæ cavenda; ut in Ministerio tam multa exercitamenta complectente, magnosque animorum motus ciere solito, singula ad perfectam prudentiæ normam exigantur. 1. Amoveant suspicionem, se gratia reformandi; aut visitandi Cleri venisse. *f* 2. Parochi, aliorumque virorum idoneorum consilia, & opem exquirant. *g* 3. Ita se omnibus omnia faciant, ut magnitudinem tamen animi præferant, religiosæ modestiæ simul, & sanctæ libertatis tenaces. *h* Si eleemosyna alicui largienda

e P. 7. c. 2. §. 1.

& E. & c. 2. A.

& c. 3. §. 2.

d R. Miss. 13.

e R. Miss. 4. 5.

6. 7. 8. 9. 10. 11.

12. 13. & c. &

27. In. 12. §. 1.

& 3. 4. 5. 6. 7.

9. 10.

Zelus, & prudentia quomodo jungenda.

f R. 8. 18. 19.

& In. 12. §. 3.

g R. Miss. 4. &

In. 12. §. 4.

h R. Miss. 15.

16.

gienda sit, cautè, & secretò fiat. *4.* Non prætermittant occasionem Divini servitii, quam possint arripere, sine injuncti operis detrimento; licebitque pariter excursions breves aliò facere; cum spe fructus. *5.* Firmitatem, quantum licet, rebus perfectis procurent: non condant autem Statuta Congregationi ulli, inconsulto Superiore. *6.* Tempus stationis, ubi à Summo Pontifice definitum non est, metiendum, comparando eum fructum, qui in ea percipitur, cum eo, qui speratur alibi. Cum autem revocari aliquem oportebit, iis mediis Provincialis utatur; ut illi, à quibus evocatur, non offendantur. Et ad hunc etiam finem, scribant qui versantur in Missionibus, ad suum Provinciale, aut ab eo designatum, singulis hebdomadis, vel quoties ille præscripserit, ei declarantes successum Missionis.

In. 12. §. 11.

P. 7. c. 1. §. 7.

& R. Miss. 20.

21.

R. Miss. 22.

23.

P. 7. c. 2. H.

& C. 2. D. 12.

P. 7. c. 2. §. 2.

& H. & P. 8. c.

1. L. & C. 2. D.

54. & Form.

scrib. §. 5. & R.

Prov. 108. &

R. Miss. 24. &

In. 12. §. 13.

Missiones insignes.

8. De Missionibus insignibus, quarum Operarii per varias Provincias sparsi essent, non segregandis in peculiaribus suæ nationis Domiciliis, subdendis-ve Superioribus popularibus, actum supra est P. 4. C. 3. De Missionem Sinensi extat luculentum elogium D. 86. C. 7.

9. Sed ut unum sub aspectum conjiciamus omnia, quæ ad excolendam Christi Do-


Anacephaleosis omnium Inferiorum.

Domini vineam, otiumque discutiendum
 ferè ubique præstari possunt ex In. 4. 6. 3.
 hæc enumerantur. Docere doctrinam Chri-
 stianam, tradere Exercitia, quærere, &
 inducere homines ad ea peragenda, visita-
 re hospitalia, & carceres; quærere eleē-
 mosynas ad subsidium ibidem detentorum,
 apud eosdem concionari, reducere eos,
 qui sunt in malo statu, juvare Confrater-
 nitates, ubi sunt, juxta nostrum Institu-
 tum, & ubi non sunt, introducere; adire
 scholas Externorum, & in eis, consen-
 tientibus Ludimagistris, aliquas exhorta-
 tiones habere; Juventutem ad Confessio-
 nem allicere, quamvis meliùs sit curare,
 ut ipsi Magistri per se hoc faciant; visitare
 infirmos, ad eos consolandos, & spiritua-
 liter juvandos; qua ratione juvantur etiam
 propinqui, qui adsunt, & sunt amici;
 & faciliè adduci possunt ad frequentanda
 Sacramenta: Pro hoc etiam confert, cum
 Proximi veniunt ad nostrum Templum,
 libenter eos admittere, & audire in Con-
 fessione; & cum occurrunt nobis in via,
 invitare eos qualibet occasione. Juvabit fa-
 cere interdum Conferentias de modo ju-
 vandi Proximos. Præterea possunt fieri
 Missiones ad loca vicina. Proderit etiam
 non casu, sed consideratè, & cum exa-
 mine

mine gestorum juvare Proximum. Denique curandum esset, ut omnes intelligerent, Societati nihil gratius esse posse, quàm in omnibus rebus consentaneis Instituto, adhiberi quâlibet horâ.

CAPUT III.

De Corporalibus Ministeriis exhibendis, aliquibusque aliis vitandis.

1. orporalibus etiam pietatis operibus, quantum spiritualia, quæ præponenda sunt, permittant, & vires patientur, incumbendum est; præsertim in Xenodochiis eos invisendo, & aliquos, qui eis inserviant, mittendo; & dissidentes ad concordiam revocando; sic etiam pauperes, & in custodiis publicis detentos sublevando, & ut alii sublevent, curando. Non convenit tamen misceri nos cum aliqua Congregatione; nec apud nos aliquos Conventus haberi; nisi qui ad nostrum pecuniarium finem instituuntur. ^a

2. Externis etiam pauperibus eleemosynæ aliquæ erogandæ sunt, pro Collegii, vel Domus facultate; & in illis præsertim locis,

*Adjumenta
temporalium
necessitatem.*

^a P. 7. c. 4. §.
9. & G. & c.
2. E. & P. 9. c.
6. §. 4. & B. &
In. 4. §. 3.

*Eleemosyna è
nostris bonis
largienda.*